

3000

W

S1915

V8



John Carter Brown
Library
Brown University

ILLANO

DE LA FAMILIA

DE LOS REYES

TP MARIA ANTONIA

DE LA FAMILIA

DE LOS REYES





REGIA PRUDENTIÆ
FUNEBRE ENCOMIUM
MARIÆ AMALIÆ

SAXONIÆ,
PRIMUM NEAPOLIS,
DEIN
HISPANIARUM INDIARUMQUE
CATHOLICÆ REGINÆ.

HABITUM IN TEMPLO MAXIMO
MEXICANO, A

D. JOSEPHO XAVERIO BECERRA,
& MORENO utriusque juris Doct. & in Cæsareo,
Regiæ, ac Pontifi. Universitatis Mexicæ De-
cano, Decreti Cathedræ Moderatore: Regalis
Chancellariæ, & ad Fidei Tribunal causarum
Patrono: in eodem pro Episcopatibus Nica-
raguensi, & Guadalaxarensi, atque pro Epif-
copatibus Goathemalensi, & Mexicanensi Or-
dinario Judice: olim Reg. & Insignis Colle-
giatæ STÆ. MARIÆ DE GUADALUPE Doctorali:
nuncque Metropolitanæ Mexicanensis Eccles.
Canonico ejusdemque Archiepiscopatus Exa-
min. Synod. & Judice Prov. ac Vicario Grali.



CQUIDNAM Consilij
 fuit Princeps Excme.
 Amplissimique Senato-
 res, ut ad proclamand-
 um in acerbissimo Re-
 gio Funere, ad peroran-
 dum in maxima totius
 Regni, ne dicam Orbis,

intestina calamitate: ad deplorandum Cha-
 rissimæ REGINÆ, potius dixerim, communis
 Parentis ineluctabile fatum: ad illius interi-
 tum meritissimè illustrandum: ad emolliendos,
 flectendosque commiseratione animos, ut mæ-
 stam, dilectissimi CAROLI nostri, vicem, do-
 leant: quasi è foro, aut trivijs ereptum homi-
 nem, nulla dicendi facultate præditum, nullo
 Sententiarum pondere instructum, nulla ver-
 borum vi, nulla arte, ingeniovè expolitum,
 præfigeretis pro rostris?

Siccine gratissima pectora, immensa pro-
 pè accepta Domino rependunt beneficia? Sic-
 cine fidissima Corda amantissimo Patriæ, Ci-
 vium

viumque Parenti, adeò debita pietatis officia
 tribuunt? Siccinè AUGUSTISSIMÆ DOMI-
 NÆ supremis vocibus conclamatur? Siccinè
 Libitinæ munia, iustaque illi persolvuntur?
 Est quidem cuncto humano generi à natura
 tributum, ut inter alia, quibus cæteris præstat
 animantibus, eloquio fruatur, ut in commu-
 nem societatem, civili vita degentes homines,
 alternis fortunæ vicibus, se se mutuò levant.
 Ipsi autem homines versatilem eloquentiam,
 boni, malique administram compararunt, ut
 in rebus prosperis, panegyri, ac laude blan-
 direntur, in adversis autem juvarentur solatio.
 Numerosam subinde Poëssim excultam, per-
 politamque coluerunt: ut ligato Sermonis
 concentu, vehementiùs animi pathemata com-
 moventes, in natalibus gratularentur nœnijs:
 in funeribus verò monodijs solarentur. Vos
 metipsi Sapientissimi Domini macie confecti
 sordidis vestibus, Syrmatibus, ac lugubribus,
 mærorem profundentes, gelidos insuper lapi-
 des, dura marmora, mutas tabulas, non tan-
 tum mæstissimis induta coloribus, tacitis ver-
 miculatorum emblematum signis, quodammo-
 do ululare, sentire compati: quin etiam emor-
 tuis saltem vocibus, inscriptis, videlicet Epy-
 taphijs, qui non valuistis cantatis Epyccedijs,
 igni-

3
ignitis facium, clamoris tympanorum linguis,
huius frequentissimi omnium Ordinum con-
fessus hominum animos dolore frangere, com-
movere; & ad deliquium usque voluistis ex-
citare.

Eccur igitur unum Oratorem cladis exi-
tij præconem, declamatorem funerum rudem
elinguem, ac penè mutum, è gravissimo elo-
quentissimorum hominum cætu præripuistis?
An fortè vos cordatissima semper, præ dolo-
ris magnitudine, vestra de me quandoque fe-
fellit opinio? (A) An verò, sicut quondam mu-
tum filium, minitans paterna clades, præ an-
gustia cordis in voces fecit erumpere: ita me
infandum communis Parentis fatum, eloquen-
tem, elegantem, disertum efficere posse credi-
distis? An autem horrendum immane lethum
non verbis commendandum; sed gemitibus mi-
serendum: non Sententijs illustrandum; sed
ejulatibus condolendum: neque extollendum
vocibus; sed lacrymis ponderandum: idcirco
aptiorem me, quam maximis recentè affectum
beneficijs, planctu, atque suspirijs Parentatio-
nem, præ quibusque alijs eloquio, elegantiaque
nitentibus educturum esse judicavistis? An de-
mum regaliū funerum inferias tacito mæro-
re, atque tristitia silentibus solum, quæ Cada-
vera

(A) *Cressi filius*. Aul. Gel. lib. 5. cap. 9.

vera referant simulacris celebrandas: & inter hujus gratitudinis magnifici Monumenti dolentes effigies, Oratorem etiam velut Harpocratis silentium indicentis collocandum esse censuistis?

Minimè id verò gentium Auditores: non enim hij sunt viri sapientissimi, qui aut consilio falli, aut opinione decipi, aut ratione valeant circumscribi, vel humanitatis officia omnium peræquè gentium vôtis comprobata invertere, aliove trajicere viderentur. Illorum Setentiam capio: vota intelligo: industriam teneo: percipio tandem, quo ipsorum rectâ collimet intentio. Equidem scio, neminemque vestrum arbitror ignorare, luctuosum pariter, ac magificum, nostræ Parentationis argumentum, neque verborum fūco, neque Sermonum phaleris: neque ullo alio Rethorices quasi è scplaciæ foro arcessito pigmento, ad commiserationem excitandam, doloremque egère commovendum. Ipsa sanè per se rei magnitudo, & dignitas tantam vim exerit Orationi, ut impexa, licet inculta, atque indiscriminata audientium omnium mentes, ac præcordia, ut ut saxea, ut ut ferrea in lacrymas, ac suspiria tenerrimè faciat colliquescere. Quod si ultra fatum mortis vita, mores, virtutesque, quod
ad

5
ad munus declamantis in funere maximè per-
tinere opinor referantur: certè quantum no-
bis CAROLOque nostro felicitatis detrahi,
tantùm solatij ijsdem, tantùmque emortuæ
REGINÆ laudis, & encomij adjici videatur.

Quare agite Auditores unaque mecum illa
percurrite, dicenda, intentis animis auscultate,
dictaque vestris mentibus sedulò volutate. Nes-
cio, quo misero, funestoque fato, proximis
hisce temporibus, infensa nimis HISPANIÆ
mors, cum in medio armorum strepitu, totam
ferè Europam miserè grassantium, otio, con-
cordiaque devoti, suavissimè essemus consopi-
ti, egerrimè nobis lenissimam abstulit BAR-
BARAM LUSITANAM: amarè luximus,
largè flevimus. Non dnm tamen ficcis oculis;
sed adhuc recenti lacrymarum imbre maden-
tibus genis, abstulit FERDINANDUM CON-
JUGEM pacatissimum REGEM sanè omnium
literis, ac Monumentis decorandum. Supererat
nobis solatium unum in adventu Inviæti CA-
ROLI fratris Consanguinei, Conjugisque pul-
cherrimæ, qui ambò jam diù Trinacriæ dolos,
Syrenisque illecebras, gloriosissimè modera-
bantur.

Resignata illis ferali morte, qui priùs li-
teras largo fletu obliterarunt, deinde nulla fa-
cta

Etā morā rebus difficilimis mirabili ductu compositis, relictoque inibi Charissimo filio FERDINANDO, qui Regni teneret habenas, illi cō ire Hispaniam pergunt: neque illos vis hyemis jam jam incuntis, neque longitudo itineris, nec freti difficultas, neque asperitas viarum, neque alterutrius Conjugis morbus retardavit, quo minus si quam opem, solatiumvè nobis, Regnoque aferre possent, vel cum proprio vitæ periculo experirentur.

Exeunt Parthenope Regiæ Classis Principem, conscendunt Navim; solvunt, procellosum Mediterraneum transfretant, & exactis novem diebus Barcinonem Hispaniæ, Tarracensis Caput felicissimè appellunt. Continuò, vix triduo refecti, regio comitatu Curribus, ac Rhedis Matritum petunt: accedunt, magna omnium hominum frequentia, mira gestientium animorum lætitia, incredibilique Populorum plaudentium jubilatione excipiuntur.

Ingrediuntur Curiam, subeunt Regiam, invisuntur à Proceribus, salutantur à Primoribus, & Regni jura summo omnium Ordinum plausu, ac jucunditate de more solemniter illis addicuntur. Sed væ humanæ felicitatis extimescenda conditio! Vix, ac ne vix quidem egregiæ indolis nobilissimique Consortij officia de-

7

degustaveramus; cum ecce in ipso solemnitatis vestibulo, in confinio exultationis extremum gaudij ubi offenditur luctus.

FORMOSA CAROLI CONJUX jam diù subdolè languebat. Ex qua die, equo fallerato, cui egregiè infidebat cecidisse fertur. Tunc verò difficultate viarum, aëris Cœlivè immutatione proditur morbus, ingravescit, jacet in lecto languens, vires nervique deficiunt, tabescunt membra, & magnis cruciata doloribus, sumpta demum Sacra Exhomologesi Pontificia benedictione munita, alijsque resecta Sacramentis, sereno fronte, in media luctus Anlæ tempestate, mortisque diræ angustijs animam libentissimè Deo tradidit.

At quæ verò CAROLI CONJUX? For-
sitam, quod dicturus sum, mirabile auditu videatur: sed certè id dicam, quod sentio: MARIA AMALIA SAXONIA, FRIDERICI AUGUSTI SECUNDI Poloniæ REGIS, Saxonix DUCIS, Sacri Romani Imperij Electoris FILIA: Primum Neapolis, deinde Hispaniarum, & Indiarum REGINA, semper AUGUSTA: MARIA AMALIA insignis genere, pulchra facie, incessu gravis, cultu elegans; MARIA AMALIA, prudentia solers, consilio provida, pietate religiosa, religione
B pia,

pia, Fide pura, Spe firmā, Charitāte flagrans,
 animo constans, voluntate misericors: M A-
 RIA AMALIA Saxoniae decus, ornamentum
 Neapolis, delitium, amoresque Hispaniae, Ame-
 ricæ nostræ tutissima spes: MARIA AMA-
 LIA, chara Deo, grata CAROLO, nobisque
 omnibus luctu lugenda sempiterno.

Et nos, qui tantam, tamque gravem ja-
 cturam fecimus, non commorimur? Et nos,
 qui Cœlo dignam amissimus REGINAM, non
 sumus cum illa consepulti? Et nos anima spi-
 ramus, cum ipsa expiravit anima? Et nos in-
 ter vivos degimus, cum ipsa ē vivis est subla-
 ta? Proh Deum immortalem! Vix arcana di-
 vine veneratus providentiæ, tempero, quin
 probris, convitijsque invehar in mortem:
 quin illam contumelijs onerem: de impietate,
 atque crudelitate appellem. Si enim prosperi-
 tatem nostram, si sortem, si beatam vicem,
 cur non etiam invidit vitam? Ut illam plan-
 ctu, mæroreque immerfam vivamus difficilem?
 Ut doloris tædio affecti nosmetipsi mortem
 perquiramus libentèr? Ut angore, mæstitiaque
 oppressi, emoriamur prolixius? Ut vitam fi-
 niamus paulatim? Fallimur Auditores, falli-
 mur: etenim si piè, ut par est, catholicèque
 rem perpendamus, neque A M A L I A nostra
 charis-

charissima vitam cum morte; sed cum meliori
 vita: nec nos lætitiā cum luctu, sed cum
 nobiliori gaudio commutavimus. Defuncta est
 AMALIA diem, diem verò, qui & illi morta-
 litatis, omniumque ærumnarum atulit finem,
 simulque initium, liceat ita dicere, immorta-
 litatis, ac gloriæ: & nobis tantam, ut ita di-
 cam, parere potuit jucunditatem; quantam me
 verbis consequi posse merito diffidam. Abulsa
 est GAROLO; sed desponsata Deo: erepta
 Regno; sed illata Cœlo: ablata nobis; sed so-
 ciata Cœlitibus. Et erit quisquam, per vestram
 fidem Auditores adeò rerum iniquus æstima-
 tor, qui non mærorem in jubulum tristitiā
 in gaudium, & planctum mira methamorphosi
 non vertat in risum? Absit absit.

Nec me pro arbitrato præcipitem cen-
 sisse opinabitur ullus, si sedulò animadver-
 terit, virtutes omnes Regiam, Soliumque in
 animo AMALIÆ locavisse. Sedeamus Audi-
 tores ad calculos, remque ab origine repeta-
 mus: & propè dixero, suam ab Angelis hau-
 sisse AMALIAM; neque verò id magnificè po-
 tiùs, quam verè dixisse videar: ANGELA
 quippè SAXONA illustris (si fides est anti-
 quitati præstanda) (B) Britania superata unius

B 2

lite.

(B) Calep. v. Anglia.

literæ discrimine, ANGLIS nomen, & genus AMALIÆ dedisse fertur. Quod si majorum virtutes, ex utraque stirpe Saxonix, nempe, & Austriacæ, si heroës, qui maximis dotibus, sibi nomina fecerunt, Catholici, Pij, Magnanimi, Sapientis, & id genus alia perpendamus: non solum ab Angela; sed ab Angelis ortum duxisse dicemus. Si verò speciem Corporis, majestatem Oris, decorem vultus, quæ mentis Simulacrum esse testatur Ambrosius, attentè demiremur, non humani cujusdam spiritus; sed cœlestis intelligentiæ habitaculum fuisse arbitrabimur.

Fuit profectò formosa nimis: ore absque omni fuco, & cerusa, Corpore absque mundo muliebri, & Ornamento præstans incessu absque famineo gradu majestatem præseferens, ac decorem: usu, & consuetudine jucunda, cum REGIO CONJUGE individua, cum filiis tenera, cum necessarijs mitis, cum subditis lenis cum exteris suavis, & amabilis omnibus. Sed quorsum hæc? (c) *Non né fallax gratia, vana est pulchritudo, mulier timens Deum ipsa laudabitur?* Ipsa ergo laudabitur AMALIA, quæ cum penè ab infantia nihili duceret omnem cultum, flocci penderet Ornamenta, acus, aciculas

culas inanes, monilia, gemmas, margaritas, bombicinas vestes sericas auro, argentoque inter textas, aliaque hujus generis contempserit muliebria: neque specula nisi ad animi sui ornatum, Regnique consuleret, Custodias, ducens sibi Regis filiae gloriam, non nisi ab intus esse petendam, (D) nec nos in his multum immorari sapientissimè docuit.

Sed altiora petere animi Regiam penitus introspicere, penitiora rimari ubi nobiliorem virtutum supellectilem demiremur. Id verò, quod primum se se mentis oculis offert summa est, ac penè divina Prudentia Regalis virtus, aliarumque virtutum facilè Princeps, quæ sibi primam sedem in animo fixit AMALIÆ, ut inde non solum mores, & facta; sed maximè, quasi prognatas omnes moderaretur virtutes. Ex quo AMALIA in omnibus vitæ partibus frugi, temperata Officij plena, plena pietatis, plena misericordiæ extiterit, ac religionis.

Quare, regio prout decebat, tantum indulgens splendori, fastosum semper abhorruit luxum: una pro tota prole, eaque frugali contenta mensa, epulas immodicas, & commensationes exterminavit à Regia: nullæ illi in victu delitiæ, nulla mollities in moribus,
nulla

(D) Psalm. 44. v. 15.

nulla in vestitu luxuria. Filiorum educationi sedulò intenta, non solùm alienis pedagogorum, Sapientumque Magistrorum; verum etiam, (E) Ecclesiastici monitu, proprijs erudiendos credidit præceptis, imò, & regijs manibus plectendos, ut quos natura, Corpore, & forma doctrina, moribus, & animo efficeret quàm similes. Cubicularios autem quamquam clarissimos, & spectabiles incolumis vitæ integritate sermonis modestia, ususque omnis honestate instruebat; foris verò tam proprios, quam externos, publicis exemplis, sanctissimisque operibus, mirificè componebat, & ad omne virtutis studium informabat.

Altiùs evecta, pietatem induit erga Deum prudentia: cum AMALIA doctrinæ rationem, eruditionis modum, omnisque vitæ disciplinam in eo maximè sitam duxit, ut summa charitate, Sanctoque timore cultus, honor, & reverentia Deo debitus exhiberetur. Enim verò diù noctuque animum illi demissimè fundebat: diù manè diluculo vacans orationi ad clepsidram, Sacrum deinde non semel cum omni prole flexis genibus audiens: ædes Sacras, publicaque Tempia frequenter, & devotè, pedes sepè, & sine comitatu invisens: inibique
omni-

(E) Ecclesiast. 7. v. 25.

13
omnibus diebus festis Angelorum ESCA, se
publicè communiens: noctu verò Marianum
Psalterium, aliasque pijsimas præces Sanctissi-
mæ Deigenitrici, cum tota familia constantis-
simè recitans.

Induit etiam Misericordiam: AMALIA
enim, quantum victui, vestitui, luxuique de-
trahebat, tantum in miseros largissimè pro-
fundeat: itaque pauperes elemosinis, infirmos
cura, peregrinos hospitio, pupillos tutela, vi-
duas auxilio, egenosque cæteros omni officio-
rum genere sublevabat. Erat equidem Regalis
Aula, jactatis fortuna portus, desperantibus
solatium, famelicis horreum, & calamitosi-
s omnibus tutissimum perfugium: Nec tamen
his quam maximis animo satiata rebus, duas
domos Caiete aliam, aliam Neapoli, pro
puellis ab omni periculo avertendis magnifi-
cè construxit, munificentissimèque dotavit.
Quo pacto gentes, quas Inviçtus CAROLUS,
armis profligavit, illa beneficijs illigavit: sub-
ditos, quos ille animo vicit, ipsa humanitate
vincit: & regnum, quod ille potentia recu-
peravit, ipsa virtute superavit.

Hæc autem intuitus CAROLUS, quam
quam illi est penè divina Sapiencia: inaudita
rerum gerendarum dexteritas summum gra-
vissi-

vissimumque in omni negotiorum genere iudicium, nullus quidquam in rebus etiam publicis insciâ cogitavit AMALIA: nullus quidquam illa moliebatur in consulta: nullus quidquam sine illius solerti perfecit concilio. Perfecit profectò omnia, etsi maximis implicata difficultatibus, ea præsertim, quæ suavissimi confortij tempore aggressus est. Quæ quidem ego, nisi magna esse fatear, ut ea vix cuiusquam mens, aut cogitatio capere possit, àmens sim. In his verò ampliorem mihi utriusque laudem fuisse videtur: quod vi imperium Syrenis recentèr conquistum, ea tempestate, qua tota ferè Europa, incumbibat ad arma iustitia illi, æquitate, virtute, sapientia, bonitate, non solum sibi; verùm etiam posteris innoxia pace, jucundaque tranquillitate stabilierint.

Sed tamen, nisi fallor sunt majora AMALIÆ: in his porrò rebus dilectissimus noster CAROLUS, suo jure maximam sibi vindicat partem, fortunæ alij, quæ prosperè gesta, ut plurimum ducit sua, non minimam tribuent: alij potentissimi Patris, tenerrimæ memoriæ auxilijs: suffragijs, alij fratrum, germani, & Confanguinei; alij verò cum amicis, & fœderatis, CAROLO etiam detrahentes gloriam communicabunt. Quod autem ante hac inauditum,

ditum, mirandum sanè omnibus, posteritati etiam incredibile: in quo AMALIA Socium habuit neminem: in quo totum quod maximum ducio suum est. In quo neque ipse CAROLUS, neque fortuna rerum humanarum domina, quidquam illi gloriæ imminuet: quod non solum nostris; sed penè omnium literis, ac laudibus celebrabitur: nec ulla unquam diuturnæ ætatis obscurabit oblivio: id mihi semper visum fuit, quod proximis annis vidimus, audivimus, & hodiè dum obstupescimus.

Cum primùm CAROLUS ille FRIDERICUS PRUSÆ REX, ferale Martis fulmen, inflamatus ira, horrido bello, universum penè Orbem incendere decrevit, illicò fulminavit in Saxoniam. Nuntiatum illi fuerat per indicium Ungariæ Reginam, Francorum Regem, aliosque potentissimos Dynastas fœdera in sui perniciem pepigisse: ille autem, ut est rei solertissimus bellicæ continuò delectus fecit, conscripsit Legiones, instruxit Copias, magnumque Exercitum, cum omnibus rebus, quæ ad bellum gerendum pertinerent comparavit. Animo instituit Boëmiam invadere, eamque suo Imperio subdere; verùm cum eò sibi pertingere non liceret, nisi per Saxoniam fines, quam ab Arcto nespicit: Legato suo præcepit

C

nun-

nuntiare **FRIDERICO AUGUSTO**, ut per suam ditionem iter faciundi potestatem daret; sin minus vi illum coacturum, uti pateretur: integramque Provinciam, toto belli tempore tanquam obsidem concederet, & quod multò pluris est, id sibi justum, æquumque fore, omnibus, Imperij Romani statibus, alijs que Primoribus, publicis literis, persuadere tentavit.

Verumenim verò, cum jura cedant armis, atque in ipso belli strepitu, tubarumque clangore, etsi clamitent, non audiantur, negata sibi facultate itineris, vel quod pactis adversaretur cōvētis, vel quod inimico animo milites ab injuria, & maleficio temperaturos non existimabat **AUGUSTUS**, subitò, in illum impeditum, atque inopinantem immensa Copia militum irruit **FRIDERICUS**: parvoque Exercitu, post cruentum obsidione superato prælium, atque in deditionem, honorificè tamen permissa totam subegit Saxoniam.

Ingreditur **Dresdam** Principem Civitatem, ubi **AUGUSTI CONJUX** cum aliquot filijs, quasi tuto se receperat: illa tamen despiciatui habita, ac retitente contra fas, & jus, Sacra referavit Scrinia, regiam expilavit gazam, & propè immensa vectigaliâ extorsit ab incolis.

lis. Hæc omnia magno percussa dolore, cernebat AMALIA charissimos Parentes, fratres, ac Sorores, vi oppressos, & penè avito spoliatos Imperio, quassatam Patriam, diremptas opes, & quod sibi maximè dolendum, Aras, focos, Lares conculcatos, divexatos Populos, populatos agros, & verbo Universam Milniam devastatam.

Hic autem quid AMALIÆ faciendum? Non nè potuit precibus, imò & nutibus amantissimum sibi CAROLUM, cui cordi erat, magnoque in honore, ac pretio commovere, ut maximæ accedens conventioni Parentibus suppetias ferret periclitantibus? Ut fratres, ut amicos, ut foederatos, quosque ad impertendum evocaret auxilium? Potuit utique, Potuit; sed ó eximiam animi constantiam! O penè divinam mentis tranquillitatem! O modum! O prudentiam in omnibus rebus singularem! Non enim Patriæ, non Parentum amore illecta, non injuriarum vulnere saucia, non invasoris justa indignatione lacecita, non iniquitatis odio commota adduci valuit, ut quidquam de vindicta cogitaret.

Quid ni igitur? Non ne ipsa natura duce, vim vi repellere, injuriam propulsare, ulcisci, vindicari, & à sceleratis pœnas licèt re-

petere? Liceat, liceat alijs, maluit tamen illa
 justissimè Domus, Patrijque oblita Populi, illo-
 rum calamitatem patientèr tolerare, quàm
 illam proprio Regno inferre; Sanctamque pa-
 cem, cum iniqua strage, cædibus, alijsque belli
 malis commutare: maluit sanctissimè inulta
 pati, quàm vindex etiam inimicum lœdere:
 maluit sapientissimè vindictam exercituum Do-
 mino committere, quam summis viribus com-
 mendare: maluit religiosissimè confidere in
 Domino, quàm in Principibus sperare. O sa-
 pientissimum Consilium! O REGINÆ Catho-
 lica resignatio! O solers Christiana Prudentia!
 Ubi iustitia vicit pietatem: vicit constantia
 timorem: vicit dolorem religio: & omnia du-
 xit Prudentia.

Conduxit etiam virtutes cæteras. Hic au-
 tem Auditores vellem initium caperet Oratio;
 sed quamquam tempus instat, verbaque me
 deficiunt, dicam perstrictim vobis de aliquibus
 virtutibus, quem modum tantum illis impo-
 suit Prudentia. Vereor tamen, ut hoc, quod
 dicam, non perindè intelligi possit auditu, at-
 que ut ego ipse cogitans sentio. Non obscu-
 rum, aut difficilè; sed per vulgatum est, atque
 illustre, virtutes omnes in quodam rationis
 medio, vitiorumque confinio esse locatas.

Vir-

Virtus est medium vitiorum utrinque reductum. AMALIA verò eas possedit in summo; atque in illa usque ad extremum eas perduxit Prudentia, adeò quidè, ut vitiorum metas pertingere videretur. Idcirco si illam solertè, si officiosè, si sollicitè, omni cura, contento studio, victui, splendorique detrahentem videretis, non, ut erat, sanctissimè æconomam, egenorumque tutricem; sed avaram, ac tenacem crederetis. Si verò illam in miseros, quæ luxui, fastuique dēpserat, largissimè profundentem, non munificem, non misericordem, sed verè prodigam diceretis. Si injurias sibi, suisque illatas, constanter æquò animo ferentem, non mansuetam, non fortem, sed stupidam, ac penè insensatam judicaretis. Si legibus factas, bonoque publico adversantes magno zelo vindicantem, non justam, sed crudelem. Si sceleratorum pœnas temperantem, punitionem delictorum abhorrentem, non piā, non clementem; sed iniquam. Si demum subditos præsertim calamitosos, ac despectos humanissimè excipientem, mitissimèque solantem: si res sacras, quàm demissè venerantem, adeò certè ut linteola ad ineffabile Sacrificium conficiendum, proprijs ipsa tergeret, ac mundaret manibus, vestesque acu depingeret, non mag-

magnificè humilem, non religiosam, non Sanctam; sed vilem, atque abjectam duceretis.

Plura adhuc vobis summa, nostroque sæculo innaudita referrem, Auditores; sed cum neque mihi, neque alij tantum sit ingenij fulmen, tanta vis, & Copia dicendi, aut scribendi facultas; ut ea dignè pro ipsa re, pro authoritate loci, pro auribus, & sapientia vestra, valeat exornare, ad illam ipsam demùm confugio. TU, TU AMALIA Charissima, & ea, quæ humana mens agere non capit, & à te gesta, graphicè admodùm, etiam cùm non valeres, describere valuisti. Ultimum illius elogium, si fortè ad manus pervenerit, attentè oculis perlegite, Auditores, elogiumque ipsius ultimum epithomè, encomij, præconijque compendio demirabimini.

In eo sanè velut in quodam mentis speculo, vitæ imaginem, ut agebat moriturus Seneca, hoc est virtutum omnium, quàm vividis descriptam coloribus conspicietis. Inibi pura fides nitet, cum in præfatione catholicam amplexata testatur se retinere morituram. Spes firma præfulget dum in Cælum consensuram se credidit, & in domo Domini bonam habituram mansionem. Charitas rubet flagrans erga Deum, qua animam illi libentissimè committit:

mitit: erga proximos, qua testatur pro illis, se ennixè præcaturam: Religio, cum preces Sacras funerum, hostiamque immaculatam pro piaculo animæ recitari, identidemque offerri deciderat, MISERICORDIA, cum pauperibus, pupillis, viduis, Nosocomijs, Paræcijs alijsque pijs operibus, propè immensam gazam, pro necessitatibus largiri jubet sublevandis. PIETAS, cum filijs, fratribus, sororibus, omnibusq̃ necessarijs mundum muliebrem, regiaque munera, mira dispositione relinquit. CONJUGALIS AMOR, atque PRUDENTIA, cum dilectissimum CONJUGEM, bonorum suorum, hoc est virtutum omnium exasse hæredem dicit, ut per illum velut per purissimum traducem, ex æquo ad omnes filios perveniant, Demùm incredibilis atque inaudita CASTIMONIA, cum egregia HUMILITATE collucet, cum Regale Corpus, paupere Carmelitarum habitu, inferri jubet: dissecari verò, atque aromatibus inungi, & pro regio more condiri, penitùs interdicat. Nè fortè, quem ipsa solers in vita fuerat ingenuus pudor, custodita aliorum oculis, post cineres fœdaretur invita.

Verùm his auditis, dum maximè lenitur animus, quasi refricato vulnere, recrudescit do-

dolor Excellentissime Princeps: cum infan-
dam jacturam, deplorataque bona in memoriam
revocemus. Sed qui compatimur, necessum est,
ut & conglorificemur. Itaque erigatur animus:
quia AMALIAM nostram in Cœlo piè collo-
catam credimus: ubi facie ad faciem, ennixè
à DEO OPTIMO MAXIMO deprecabitur,
CAROLUM suum nobis servet incolumen
pro salute Reipublicæ, pro utilitate Ecclesiæ,
pro nostro omniumque Regni ordinum sola-
tio, ac protectione, qui omnes ab ipso
DEO, identidem orabimus, Re-
quiem illi donet Sem-
piternam,

REQUIESCAT IN PACE.



BA 761
R 696 Q

